



ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

Broj: S-01-02-01-2-588-1/25
Sarajevo, 11.06.2025.

Bosna i Hercegovina
Federacija Bosne i Hercegovine
PARLAMENT FEDERACIJE
PREDSTAVNIČKI / ZASTUPNIČKI DOM

Bosna i Hercegovina Federacija Bosne i Hercegovine PARLAMENT FEDERACIJE SARAJEVO			
Primljeno: 30-06-2025			
Org. jed.	Broj	Priloga	Vrijednost
05/1	- 02 -	141	23

n/r Predsjedavajućeg, Dragan Mioković

PREDMET: Zastupnička pitanja - Sanel Kajan, zastupnik u Zastupničkom domu Parlamenta Federacije Bosne i Hercegovine, dostavlja se odgovor

VEZA: Vaš akt, broj: 05/1-02-141/23 od 07.04.2025. godine

Poštovani,

Nakon uvida u zastupničko pitanje koja je postavio Sanel Kajan, zastupnik u Zastupničkom domu Parlamenta Federacije Bosne i Hercegovine, u skladu s člankom 116. stavak 3. Poslovnika Zastupničkog doma Parlamenta Federacije Bosne i Hercegovine, dostavljamo Vam odgovore/očitovanja:

1. "Zahtjevam od Zavoda za javno zdravstvo FBiH da mi dostavi Kolektivni ugovor, s Informacijom o koeficijentima, te podatkom kada su koeficijenti mijenjani."

Zavod za javno zdravstvo Federacije Bosne i Hercegovine je po okončanim pregovorima s Osnovnom sindikalnom organizacijom Zavod za javno zdravstvo Federacije Bosne i Hercegovine i Osnovnom organizacijom Sindikat Zavoda za javno zdravstvo Federacije Bosne i Hercegovine - OJ Mostar, uz prethodno pribavljenu saglasnost Vlade Federacije Bosne i Hercegovine, V.broj 1458/2022 od 13.10.2022., objavljena u "Službenim novinama Federacije BiH", broj 83/22, potpisao Kolektivni ugovor o pravima i obavezama poslodavca i radnika u Zavodu za javno zdravstvo Federacije Bosne i Hercegovine (na nivou poslodavca). U navedenom Kolektivnom ugovoru su utvrđeni novi koeficijenti za obračun plaća radnika Zavoda.

Dodatne informacije dostupne su na linku:

<https://www.zzjzfbih.ba/potpisan-kolektivni-ugovor-za-zavod-za-javno-zdravstvo-federacije-bosne-i-hercegovine/>

Organizacijska jedinica u Sarajevu

📍 Maršala Tita 9, 71000 Sarajevo, BiH ☎️ +387 33 564 601 📠 +387 33 564 602 ✉️ kabinet.sar@zzjzfbih.ba

Organizacijska jedinica u Mostaru

📍 Vukovarska 46, 88000 Mostar, BiH ☎️ +387 36 382 101 📠 +387 36 382 116 ✉️ kabinet.mof@zzjzfbih.ba



2. „Koliko je ljudi novozaposleno od kako je ZZJZ FBiH dobio novog direktora? Molim da mi se dostavi podatak za OJ Mostar i OJ Sarajevo.“

Zavod za javno zdravstvo Federacije Bosne i Hercegovine vrši zapošljavanje novih radnika prema ukazanim organizacijskim i stručnim potrebama, posebno zbog odlaska postojećih radnika u starosnu penziju ili prelaska kod drugih poslodavaca. Sva zapošljavanja se vrše na osnovu javnog konkursa, a nakon prethodno pribavljene saglasnosti za prijem od Vlade Federacije Bosne i Hercegovine.

3. „Tražim podatak na koliko sati sedmično su prijavljeni zaposlenici ZZJZ FBiH, te na koji član Zakona o radu se pozivaju iz Zavoda da skraćeno radno vrijeme predstavlja puno radno vrijeme.“

Radnici Zavoda su prijavljeni na radno vrijeme od 37,5 sati sedmično, u skladu sa članom 33. Pravilnika o radu Zavoda za javno zdravstvo Federacije Bosne i Hercegovine, broj: UV-01-01-01-1-150-3/2022 od 09.03.2023. godine, sa Pravilnikom o izmjenama Pravilnika o radu, broj: UV-01-01-01-1-169-2/2024 od 14.06.2024, i Pravilnikom o izmjenama i dopunama Pravilnika o radu, broj: UV-01-01-01-1-178-3/25 od 25.02.2025. godine. Navedeni Pravilnik sa izmjenama i dopunama usklađen je sa članom 10. Kolektivnog ugovora o pravima o obavezama poslodavca i radnika u Zavodu za javno zdravstvo Federacije Bosne i Hercegovine, broj: M-02-02-01-2-125-17/22, broj: 36/2022 i broj: M-Sindikata-23/22 od 20.10.2022. godine, te članom 36. stav (2) Zakona o radu („Službene novine Federacije BiH“, br. 26/16, 89/18, 44/22 i 39/24).

4. „Da li je u posljednje 3 godine u Zavodu izrađen elaborat da zaposlenici rade na poslovima s posebnim uslovima, gdje su procijenjeni rizici po njihovo zdravlje?“

Da, dva urađena od ovlaštenog poduzeća nakon provedenog postupka javne nabave, i to: prvi dokument „Akt o procjeni rizika na radnim mjestima rada u radnoj okolini“ broj: 039-25-APR/23 od 29.05.2023. godine od 20.11.2024. godine, te drugi dokument „Akt o procjeni rizika na radnim mjestima rada u radnoj okolini“ broj: 087-25-APR/24 od 20.11.2024. godine, na zahtjev Sindikata u Zavodu, a nakon donošenja nove Sistematizacije radnih mjesta.


5. „Od ZZJZ FBiH na uvid tražim Pravilnik o radu, a pitam da li je u njemu ukinut disciplinski postupak, a teže povrede radnog odnosa izjednačene s lakšim?“

Disciplinski postupak nije posebno definiran Pravilnikom o radu Zavoda za javno zdravstvo Federacije Bosne i Hercegovine, obzirom da isti nije propisan ni Zakonom o radu. Članom 101. Pravilnika o radu su propisane lakše povrede radnih obaveza, a članom 102. teže povrede radnih obaveza. U oba slučaja, Zavod postupa po članu 97. Zakon o radu na osnovu kojeg sagledava činjenično stanje i radnika obavezno poziva da se izjasni odnosno iznese svoju obranu. U slučaju utvrđene lakše povrede radne obaveze radniku izdaje Pisano upozorenje.

6. „Da li je direktor ZZJZ FBiH istovremeno i direktor Centra za prevenciju i izvanbolničko liječenje u Mostaru?“

Da. Obavlja dužnost direktora bez zasnivanja radnog odnosa, u skladu sa članom 27. Zakona o radu ("Službene novine Federacije BiH", br. 26/16, 89/18, 44/22 i 39/24).

S poštovanjem!



DIREKTOR

Doc. dr. sc. prim. Siniša Skočibušić, dr. med.

Dostaviti:

1. Naslovu;
2. Pismohrana.